

Pô-s Riba di Kunpanheru, Dá-s Na Txon!

Uza Kópu ku Mon Pikinóti

Kópu di tudu formatu y tamanhu pode mante bu fidju okupadu duranti más ténpu di ki bu ta imajina. Kada un di kes atividadi li ta kria kordenason y kontrolo na múskulu di mon di bu fidju.

Atenson: Kes matirial ki sta sublinhadu bu ta atxás-na bu kit. Kes matirial *en itáliku* bu pode tenê-s na kaza ô bu pode uza un kuza semelhanti.

Dikas di Feraméntas

Kópu di plástiku ô di papel é bon pa brinka ku el. Má, alguns plástiku duru pode fika afiadu si es ratxa. Skodje kópus di plástiku más móli pa konstrui.



Kel Báziku

Da bu fidju txeu ténpu pa splora ku kópus di plástiku. Dexa-l sigi ses interesi. El pode disruma. Torna ruma. Konstrui un kuza altu. Panha águ ô areia y baza. Poi objétus déntu di kópus diferenti un monti bês.

Kuzas pa Sprimenta ku Kriansas entri 2 y 3 Anu

- Nun fila.** Da bu fidju un monti di kópu di plástiku tudu riba di kunpanheru. El pode odja módi ki es ta nkaxa na kunpanheru, sima un “puzzle.” Uza fita-kóla nun méza ô na txon pa kria un linha ô un fórmá. Konvida bu fidju pa tra kes kópu di riba di kunpanheru y sigi kel fita-kóla pa poi kes kópu nun fila.
- Dá-s na txon.** Da bu fidju alguns kópu di plástiku. Konvida-l pa el tenta konstrui. Nhos trabadja djuntu pa faze un tóri ô pirámidi sinplis ku três kópu. Dipos, dexa-l dá-s na txon!
- Fika entuziasmado!** Da bu fidju algunos kópu di plástiku y otus matirial sima pô di freskinha, padás di fiu, palhinha, y otus kuza. Adisiona kuzas di bu kaza sima tubus di papel ijiéniku y kaxas di óvu. Dexa-l konstrui di kualker manera ki el kre.



Más! →

Kuzas pa Sprimenta ku Kriansas entri 3 y 5 Anu

• **Más grandi y más alto.** Da bu fidju alguns kópu di plástiku. Insertiva-l pa el konstrui un pirámidi grandi ku peluménus 5 kópu dibaxu. Dipos bira-l más grandi y más alto. Uza tudu kópu ki bu tene. Konvida-l pa el tra un kópu di déntu di meu sén kes otu tudu kai. El ta meste mon firmi!

• **Mundus pikinóti.** Djunta txeu material differenti sima kópu di plástiku, pô di freskinha, padás di fiu, kaxa di óvu, y tubu di papel ijiéniku. Konvida bu fidju pa traze alguns di ses brinkedínhu prifiridu, sima bonéka, bonéku di pelúzia y karu. Kria un mundu finjidu pa kes brinkédu. Nhos konta stórias sobri kel mundu pikinóti di bu fidju. Ki aventuras ki ta kontise la?

• **Dizafius di enjinharia.** Djunta material sima kópu di plástiku, pô di freskinha, fita-kóla, y otus kuza. Skrebe alguns dizafiu di konstruson pa bu fidju na uns padás di papel. Ideias pode inklui: Konstrui un strutura uzandu tudu kópu. Konstrui tóri más alto ki bu pode. Konstrui un ponti. Amasa kel papel y pidi bu fidju pa skodje un dizafiu misteriozu pa sprimenta. Dipos, kumesa ta konstrui.



Bónus!

Atividadi di Korpu Interu. Djobe un spasu abérta na txon di bu kaza. Poi un linha di fita-kóla na txon. Pidi bu fidju pa poi alguns kópu di plástiku riba di kunpanheru alguns métru lonji di kel linha. Konvida-l pa el rola un mini bola di mar en direson a kes kópu, sima na jogu di bolixi (“bowling”). Afasta kel linha di fita-kóla más inda pa fika más difísil.

Kuzas pa Fla

“Hmm. Kantu kópu bu sta poi riba di kunpanheru?”

Uza palavras sobri tamanhu, altura y kuantidadi. Konta kes kópu. Diskreve nhos pirámidi komu alto ô baxu. Kriansas ta sta ta sukutábu y ta prende novità palavra y idea enkuantu es ta brinka.

“Si bu poi más trés kópu diriba, kuzê ki ta kontise?”

Pidi bu fidju pa pensa kuzê ki el ta atxa ma ta kontise y pa tenta dibinha. Dipos, sprimenta pa odja kuzê ki ta kontise!

“Ka ta faze nada. Nu torna kumesa.”

Pode ser frustranti óra ki bu tóri kai antis di bu sta prontu. Insertiva bu fidju pa kontinua ta tenta y talvês pa el faze un kuza di manera differenti. Ôki txiga óra di linpa, da kuzas na txon pode ser divirtidu!